

**Coretan penjara: Anwar mual Rafizi jadi sasaran
Malaysia Kini.com
9 Februari 2018**

ULASAN I Tiga tahun berlalu sang penguasa merampas hak saya. Pernah saya gesa di awal 2015: andainya pemenjaraan saya mampu meredakan tekanan ekonomi rakyat; bahawa rasuah akan lebih terkawal dan kezaliman dibendung maka ada jua hasil positif dari penindasan keatas saya.

Malangnya harga barang meningkat, GST memeras, rasuah merebak meluas, rompakan 1MDB mencecah puluhan billion ringgit. Dan untuk mengalih perhatian rakyat isu perkauman sempit dan kefanatikan agama menular semula.

Tokoh-tokoh pembangkang termasuk kerajaan negeri Pulau Pinang dan Selangor menjadi sasaran.

Paling memualkan adalah tokoh muda YB Rafizi Ramli menjadi sasaran kerana mendedahkan penyalahgunaankuasa dana penternak berpindah kapada keluarga menteri. Riuh rendah SPRM menyiasat ke hulu hilir tetapi kisah lembu-lembu terpadam.

Sebelum itu YB Tian Chua turut menerima tempelakan sama dari penguasa.

Maka pilihan kita tetap dengan mendamba perubahan, dan memastikan PKR dan Pakatan Harapan diberikan sokongan dan kepercayaan.

Kapada Azizah sekeluarga, rakan dan penggerak masyarakat seluruhnya saya ucapkan penghargaan.

Semoga Allah SWT merestui ikhtiar kita bersama.

© 1999-2018 Mkini Dotcom Sdn. Bhd

Source: <https://www.malaysiakini.com/news/411674>